

開元廿六年太歲戊寅二月

靈飛經一卷

鍾紹京書

滋養心堂聖藥寶夷三

鍾可大書

瓊宮五帝內思上法

常以正月二月甲乙之日平旦沐浴齋戒入

室東向叩齒九通平坐思東方東極玉真青

帝君諱雲拘字上伯衣服如法乘青雲飛輿



從青要玉女十二人下降齋室之內手執通
靈青精玉符授與地身地便服符一枚微祝

日

青上帝名厥諱雲抱錦帔青帟遊迴虛無上
晏常陽洛景九嵎下降我室授我玉符通靈
致真五帝齊軀三靈翼景太玄扶輿乘龍駕

雲何慮何憂逍遙太極與一同休畢咽炁九
咽止

四月五月丙丁之日平旦入室南向叩齒九
通平坐思南方南極玉真赤帝君諱丹容字
洞玄衣服如法乘赤雲飛輿從絳宮玉女十
二人下降齋室之內手執通靈赤精玉符授

與地身地便服符一枚微祝日

赤帝玉真厥諱丹容丹錦緋羅法服洋洋出

清入玄晏景常陽迴降我廬授我丹章通靈

致真變化萬方玉女翼真五帝齊雙駕乘朱

鳳遊戲太空永保五靈日月齊光畢咽炁八

過止

七月八月庚辛之日平旦入室西向叩齒九
通平坐思西方西極玉真白帝名諱浩庭字
素羅衣服如法乘素雲飛輿從太素玉女十
二人下降齋室之內手執通靈白精玉符授
與地身地便服符一枚微祝曰

白帝玉真号曰浩庭素羅飛翬羽盖鑿青晏

景常陽迴駕上清流真曲降下鑒我形授我
玉符為我致靈玉女扶輿五帝降輶飛雲羽
翠昇入華庭三光同暉八景長并畢咽炁六
過止

十月十一月壬癸之日平旦入室北向叩齒
九通平坐思北方北極玉真黑帝名諱玄子

字上帑衣服如法乘玄雲飛輿從太玄玉女
十二人下降齋室之內手執通靈黑精玉符
授與地身地便服符一枚微祝曰

北帝黑真号曰玄子錦帔羅帟百和交起俳
徊上清瓊宮之裏迴真下降華光煥彩授我
靈符百關通理玉女侍衛年同劫紀五帝齊

景永保不死畢咽炁五過止

三月六月九月十二月戊己之日平旦入室
向太歲叩齒九通平坐思中央中極玉真黃
帝名諱文梁字摠歸衣服如法乘黃雲飛輿
從黃素玉女十二人下降齋室之內手執通
靈黃精玉符授與地身地便服符一枚微祝

日

黃帝玉真揔御四方周流無極号日文梁五
彩交煥錦帔羅裳上遊玉清徘徊常陽九曲
華闕流看瓊堂乘雲騁轡下降我房授我玉
符玉女扶將通靈致真洞達無方八景同輿
五帝齊光畢咽炁十二過止

靈飛六甲內思通靈上法

凡修六甲上道當以甲子之日平旦墨書白
紙太玄宮玉女左靈飛一句上符沐浴清齋
入室北向六拜叩齒十二通頓服十符祝如
上法畢平坐閉目思太玄玉女十真人同服
玄錦帔青羅飛華之帟頭並積雲三角髻餘

髮散垂之至霄手執玉精神虎之符共乘黑
翮之鳳白鸞之車飛行上清晏景常陽迴真
下降入地身中地便心念甲子一句玉女諱字
如上十真玉女悉降地形仍叩齒六十通咽
液六十過畢微祝曰

右飛左靈八景華清上植琳房下秀丹瓊合

度八紀攝御萬靈神通積感六氣鍊精雲宮
玉華乘虛順生錦帔羅帟霞映紫庭罽帶虎
書絡羽建青手執神符流金火鈴揮邪却魔
保我利貞制勅衆祆萬惡浪平同遊三元迴
老及嬰坐在立止侍我六丁猛獸衛身從以
朱兵呼吸江河山岳積傾立致行厨金醴玉

漿收束虎豹吐吒幽冥役使鬼神朝伏千精
所願從心萬事刻成公道散軀恣意化形上
補真人天地同生耳聰目鏡徹視黃寧六甲
玉女為我使令畢乃開目初存思之時當平
坐接手於膝上勿令人見見則真光不一思
慮傷散戒之

甲戌日平旦黃書黃素宮玉女左靈飛一句
上符沐浴入室向太歲六拜叩齒十二通頓
服一句十符祝如上法畢平坐閉目思黃素
玉女十真同服黃錦帔紫羅飛羽希頭並積
雲三角髻餘髮散之至胷手執神虎之符乘
九色之鳳白鸞之車飛行上清晏景常陽迴

真下降入地身中地便心念甲戌一旬玉女
諱字如上十真玉女悉降地形仍叩齒六通
涸液六十過畢祝如前太玄之文

甲申之日平旦白書黃紙太素宮玉女左靈
飛一旬上符沐浴入室向西六拜叩齒十二
通頓服一旬十符祝如上法畢平坐閉目思

太素玉女十真同服白錦帔丹羅華帟頭並
積雲三角髻餘髮散之至霄手執神虎之符
乘朱鳳白鸞之車飛行上清晏景常陽迴真
下降入地身中地便心念甲申一旬玉女諱
字如上十真玉女悉降地形仍叩齒六通咽
液六十過畢祝如太玄之文

甲午之日平旦朱書絳宮玉女右靈飛一句
上符沐浴入室向南六拜叩齒十二通頓服
一句十符祝如上法畢平坐閉目思絳宮玉
女十真同服丹錦帔素羅飛帟頭並積雲三
角髻餘髮散之至胷手執玉精金虎之符乘
朱鳳白鸞之車飛行上清晏景常陽迴真下

降入地身中地便心念甲午一句玉女諱字
如上十真玉女悉降地身仍叩齒六通咽液
六十過畢祝如太玄之文

甲辰之日平旦丹書拜精宮玉女右靈飛一
句上符沐浴入室向本命六拜叩齒十二通
頓服一句十符祝如上法畢平坐閉目思拜

精玉女十真同服紫錦帔碧羅飛華帟頭並
積雲三角髻餘髮散之至霄手執金虎之符
乘黃翮之鳳白鸞之車飛行上清晏景常陽
迴真下降入地身中地便心念甲辰一旬玉
女諱字如上十真玉女悉降地身仍叩齒六通
咽液六十過畢祝如太玄之文

甲寅之日平旦青書青要宮玉女右靈飛一
句上符沐浴入室向東六拜叩齒十二通頓
服一句十符祝如上法畢平坐閉目思青要
玉女十真同服紫錦帔丹青飛帔頭並積雲
三角髻餘髮散之至胷手執金虎之符乘青
翮之鳳白鸞之車飛行上清晏景常陽迴真

下降入地身中地便心念甲寅一旬玉女諱
字如上十真玉女悉降地身仍叩齒六通咽
液六十過畢祝如太玄之文

行此道忌淹汙經死喪之家不得與人同牀
寢衣服不假人禁食五辛及一切肉又對近
婦人尤禁之甚令人神喪魂亡生邪失性災

及三世死為下鬼常當燒香於寢牀之首也
上清瓊宮玉符乃是太極上宮四真人所受
於太上之道當須精誠潔心澡除五累遺穢

汙之塵濁杜淫欲之失正日存六精凝思玉
真香煙散室孤身幽房積毫累著和魂保中
仿佛五神遊生三宮豁空競於常輩守寂默

以感通者六甲之神不踰年而降已也子能
精修此道必破券登仙矣信而奉者為靈人
不信者將身沒九泉矣

上清六甲虛映之道當得至精至真之人乃
得行之仁之既速致通降而靈氣易發久勤
修之坐在立止長生久視變化萬端行廚卒

致也

九疑真人韓偉遠昔受此方於中岳宋德玄
德玄者周宣王時人服此靈飛六甲得道能
一日行三千里數變形爲鳥獸得真靈之道
今在嵩高偉遠久隨之乃得受法行之道成
今處九疑山其女子有郭勺藥趙愛兒王魯

連等並受此法而得道者復數十人或遊玄
洲或處東華方諸臺今見在也南岳魏夫人
言此云郭刁藥者漢度遼將軍陽平郭憲女
也少好道精誠真人因授其六甲趙愛兒者
幽州刺史劉虞別駕漁陽趙詵也好道得
尸解後又受此符王魯連者魏明帝城門校

尉范陵王伯綰女也

學道一旦忽委壻李

子期入陸渾山中真人又授此法子期者司
州魏人清河王傳者也其常言此婦狂走云
一旦失所在

上清瓊宮陰陽通真祕符


每至甲子及餘甲日服上清太陰符十枚又

服太陽符十枚先服太陰符也勿令人見之
寧與人千金不與人六甲陰正此之謂
服二符當叩齒十二通微祝曰
五帝上真六甲玄靈陰陽二炁元始所生摠
統萬道檢滅遊精鎮魂固魄五內華榮常使
六甲運役六丁為我降真飛雲紫輶乘空駕

浮上入玉庭畢服符咽液十二過止



符 陽



符 陰




朱書

太玄玉女靈珠字承翼

墨書

太玄玉女蘭修字清明



右此六甲陰陽符當與六甲符俱服陽日朱
書符陰日墨書符祝如上法

欲令人恒齋戒忌五穢若汙慢所奉不尊

道法者殞為下鬼敬護之者長生替泄之者

凋零吞符咀嚼取末字之津液而吐出滓著

香火中勿符紙內胃中也

大唐開元廿六年太歲戊寅二月己亥朔一日

大洞三景弟子王真長公主奉

勅

檢

校

寫





北木资源库

购买字帖认准北木资源库



北木资源库



打开手机淘宝

点击左上角扫一扫快速进入店铺

<https://shop114806457.taobao.com/>